

Сказка Сказочка



Эрясть-ащеть атя и баба. Синь ульсь стирнясна, цёранясна, тракскасна, мацинясна и утканясна. Эрясть лац. Стирнясь ведь канни, цёранясь атятъ мархта вирьста пенгат ускси, бабась сембе понат кштирди да кодай носокт, варягат, а илять озайхть марняс и морайхть: всякай морот морасть, а фкя морось ульсь цебяръ, стама протяжной, мзярда морайхть, прям-таки седице сяряди:

А кинь тyani оцю горяняц?

А кинь лядсь апак сокак

Равжа моданяц.

А кинь тyani оцю горяняц?

А кинь лядсь апак нук

Ума сёроняц.

А кинь тyani оцю горяняц?

А кинь аяш ни

Аляц-тряйнац.

Синь фкакс тя мороть морсезь.

А вирьса эрясь офта — оцю, страшнай, сельмонза толкс палыхть, пейнза

кувакат, оржат, кода пеельхть. Сембе вирть эзга якай и веши, мезьда ярхцамс. Якай и офтокс морай:

Бо, вьргаз, бо, нумол,

Вирьге-шайге якан.

Бо, вьргаз, бо, нумол,

Шаймарьянда ярхцан.

И кие аф кульсы сонь мораманц, сембе кяшендихть.

И вов весть бабась и атясь удыхть, синь пря песост стирнясна, пильге песост цёранясна, утом ала утканясна, утомса мацинясна, кудонголе тракскасна.

Удыхть лац, цебярь он няхть. Веть атясь сргозсь и кули, кие-бди якай, ваны вальмяти — офта калдазса якай. Якась и ушедсь пандста курькснема.

Курьксни и морай:

Гурь сей, саласкяй,

Гурь тов, поласкяй,

Медь ламбама сускомня,

Атят-бабат сирет кудса,

Пря песост стирнясна,

Пильге песост цёранясна,

Утом ала утканясна,

Утомса мацинясна,

Кудонголе тракскасна.

— Атяй-бабай, макось тейне утканянтень: ярхцамазе сась.

Атясь и бабась эводсь и макось утканяснон. Офтсь фатязень синь, сивозень и тусь вири ваймама.

Шобдава сембе стясть, идьморхне лиссть калдазу, а утканясна аш, ушедсь авардема. Сембе авардихть; лоткасть, и тага кажнайсь ушедсь эсь тевонзон тиема.

Омбоце веня офтсь тага сась. Курьксни и морай:

Гурь сей, саласкяй,

Гурь тов, поласкяй,

Медь ламбама сускомня,

Атят-бабат сирет кудса,

Пря песост стирнясна,
Пильге песост цёранясна,
Утомса мацинясна,
Кудонголе траккасна.

— Атяй-бабай, максость тейне мацихнень.

Атясь сргозсь, кизефтезе бабать: «Мезе карматама тиема?»

А бабась отвечась:

— Максыть, может, сон вишконяста туй и аф сай.

Атясь максозень мацихнень. Офтсь фатязень синь и ласькозь тусь вири, а тоса синь сивозень. И кажнай веня ушедсь офтсь якама пялост. Колмоце веня сась и тага морай:

Гурь сей, саласкяй,
Гурь тов, поласкяй,
Медь ламбама сускомня,
Атят-бабат сирет кудса,
Пря песост стирнясна,
Пильге песост цёранясна,
Кудонголе траккасна.

— Атяй-бабай, максость тейне тракскяць.

Атясь и бабась эводсть и максозь тракскяць. Офтсь тракскяць фатязе, вири кандозе, сивозе. Веть тага сась и тага курьксни и морай:

Гурь сей, саласкяй,
Гурь тов, поласкяй,
Медь ламбама сускомня,
Атят-бабат сирет кудса,
Пря песост стирнясна,
Пильге песост цёранясна.

— Атяй-бабай, максость тейне стирнянтень.

Бабась аварди, атясь аварди, цёранясь аварди.

Мезе тиема, пелихть офтть эзда. Максозь стирняць, офтсь сонь фатязе,

стирнясь аварди, а сон вирти кандозе и сивозе.

Сяда тов веть «в следующую ночь» офтсь тага сась офтсь тага сась. Курьксни и морай:

Гурь сей, саласкяй,

Гурь тов, поласкяй,

Медь ламбама сускомня,

Атят-бабат сирет кудса,

Пильге песост цёранясна.

Сргозсть сембе, эводсть. А офтсь тага корхтай:

— Максость тейне цёранянтень, а кда аф максасть цёранянь, то сембонь сифтядязь.

Аш мечь тиемс, максозь цёранянь. Офтсь фатязе цёранянь, кандозе вирти и сивозе. И тага сась сон, курьксни и морай:

Гурь сей, саласкяй,

Гурь тов, поласкяй,

Медь ламбама сускомня,

Атят-бабат сирет кудса.

Морась, морась, а атянь мархта бабась эводсть и авардихть. Офтсь учсь, учсь — пильгонц эса кодак кенкшть тозордасы, и кенкшсь синдевсь. Офтсь сувась кудти, фатязень атянь мархта бабать и тусь вири. Вири кандозень и сивозень. Сивозень и почкодсь.

Почкодсь, а эздонза лиссть цёранясь, стирнясь, атясь, бабась, сембе и авардихть, и рахайхть. Састь куду и тага кармасть эряма лац, а офтть кеденц сявозь и плхтазь.

Мон тоса улень, винада симонь, усанень эзга шудесь, а кургти ашезь пова.

Мультимедийная онлайн-библиотека

“Сказки Поволжья”

Иллюстрированные и озвученные сказки народов Поволжья.